

## **EKITEN lehiaketetarako oinarriak 2014-2015 ikasturtea**

### **Helburua**

---

Ikasleen artean enpresa-ekimen berriak sustatzeko eta ekintzailtza bultzatzeko estrategiaren barruan, MONDRAGON UNIBERTSITATEAK hiru lehiaketa desberdin antolatu ditu 2014–2015 ikasturterako:

- **Enpresa Ideia Berriei buruzko IX. lehiaketa**
- **Landa-Ingurunearen Garapenari buruzko Ideien eta Proiektuen VII. Lehiaketa**
- **Kimu Berri V lehiaketa. Eguneroko bizitza errazten duten produktu eta zerbitzu berritzaileak.**

Lehiaketen helburuak ondorengoak dira:

- *MONDRAGON UNIBERTSITATEko ikasleen artean izaera ekintzailea sustatzea, sormena, ekimen-bilaketa eta autoenplegua bultzatuz.*
- *Balio erantsia duten produktuak, prozesuak, zerbitzuak edo negozioak sortzeko ideia berritzaileak sustatzea.*
- *Diziplina anitzeko taldeetan lan egitea sustatzea.*

### **Partaideak**

---

Ikasleek banaka edo taldeka har dezakete parte. MONDRAGON UNIBERTSITATEko edozein titulazioko ikasleak izan daitezke taldekide, baita graduondokoak edo doktoregaiak barne, betiere enpresa-jarduera berri baten ideia aurkezten badute.

Ikasle edo talde bakoitzak, ebaluaketarako gehienez 3 ideia aurkeztu ahal izango ditu.

### **Hautaketa**

---

**Enpresa Ideia Berriei buruzko IX. lehiaketan**, edozein diziplina akademikoko eta sektoreko ideiak aurkez daitezke, jarduera berrietan, produktu berrietan, zerbitzu berrietan edota negozio-ildo edo -eredu berrietan aurrera eramateko moduko **ekintzailtza-ekimenak** landuko dituztenak.

**Landa Ingurunearen Garapen Jasangarriari buruzko Ideien eta Proiektuen VII. lehiaketa**. Landa eremuak aukera ugari eskaintzen ditu ez bakarrik nekazaritza-abeltzaintza sektorearekin zerikusia duten ekintzak abian jartzeko; baita ere herrietako landa garapena sustatuko duten produktu edota zerbitzuak sortuko dituzten enpresa proiektuak abiarazteko.

Modalitate honetara Debagoiena eta Debabarrena eskualdeetako landa eremuko biztanleen bizi kalitatean eragin positiboa izango duten ideia eta ekimenak aurkeztu

ahal izango dira, baita ere bertako ingurune, ekonomia eta gizarte-kultura arloen iraunkortasuna bultzatuko dutenak.

**Kimu Berri V lehiaketa. Eguneroko bizitza errazten duten produktu eta zerbitzu berritzaileak.** Eguneroko bizitza errazten duten edozein diziplina akademikoko eta sektoreko ideiak aurkez daitezke, jarduera berrietan, produktu berrietan, zerbitzu berrietan edota negozio-ildo edo –eredu berrietan aurrera eramateko moduko **ekintzaitza-ekimenak** landuko dituztenak.

Negozio-ideiak **hautatu eta ebaluatzeko honako irizpide hauek** hartuko dira kontutan eta bakoitzaren balioa, ondoan ageri zaion ehunekotan izango da:

- *Ideiaen originaltasuna eta berritasuna. (%25)*
- *Aberastasuna eta lanpostuak sortzeari begira ideiak izan lezakeen eragina. (%25)*
- *Proposamenaren eta hori abian jartzearen bideragarritasuna. (%25)*
- *Taldearen diziplina-aniztasuna eta hainbat titulazio eta fakultateetako ikasleen partaidetza. (%10)*
- *Publikoaren iritzia. (%15)*

## **Aurkezpena**

---

Lehiaketak, **bi fase** izango ditu.

**Lehenengo fasea otsailaren 12an** irekiko da eta **martxoaren 27an** itxiko da. Fase honetan, proiektua era laburrean aurkeztu beharko da. Horretarako, partaideek <http://innoweb.mondragon.edu> helbidean dagoen formularioa bete beharko dute.

**Apirilaren 20an** egingo da lehenengo fasearen esleipena eta **apirilaren 24an** jakinaraziko da zein proiektuk gairitu duten lehenengo fasea eta bigarren fasean jarraitzen duten.

**Bigarren fase** honetarako, aplikazioa, **apirilaren 27an** irekiko da eta **maiatzaren 22an** itxiko da. Fase honetan, talde bakoitzak, proiektua sakontasunean garatu beharko du. Lehenengo fasean mugatuta egon diren eremuak zabaldu egingo dira atal horiek garatzeko eta eremu berri bat zabalduko da. Hortaz gain, pdf-ak igotzeko aukera ere egongo da proiektua formatu horretan garatuta badago eta ezinbestekoa izango da proiektua ebaluatua izan dadin, gehienez 3 minutuko luzera izango duen bideo bat grabatzea. Bideo horretan, proiektua aurkeztu beharko da eta *publikoaren iritzia*, bideoan oinarrituta puntuatuko da. Poster bat ere egin beharko da, [www.mondragon.edu/ekiten](http://www.mondragon.edu/ekiten) helbidean aurkituko duzuen eredia jarraituz.

**Bideoak, maiatzaren 22an** beranduenik, [sazpilikueta@mondragon.edu](mailto:sazpilikueta@mondragon.edu) helbidera helaraziko dira eta MONDRAGON UNIBERTSITATEAK YouTuben duen kanalean kokatuko dira guztiak helden doazen neurrian (zenbat eta lehenago bidali, denbora gehiago egongo dira ikusgai). Publikoak bozkatu ahal izateko, MONDRAGON UNIBERTSITATEAK facebook-en duen kontuan ere txertatuko ditugu eta facebook-en

eta YouTuben jasotzen dituzten atsegin dut guztiak izango dira kontutan *publikoaren iritzia* puntuatzerako orduan.

Proiektua erabat bukatuta aurkezteko epea **2015eko maiatzaren 22a** izango da.

Epaimahaia, **maiatzaren 25eko astean** egingo du esleipena eta sari banaketa, ekainaren lehenengo hamabostaldian egingo da.

## Epaimahaia eta Erabakia

---

Lehiaketako **epaimahaia** osatuko dute:

- *MONDRAGON UNIBERTSITATEKO EKITEN Programaren Batzordeak*
- *SAIOLAN enpresa eta berrikuntza zentroak*
- *GAZTEMPRESA Fundazioak “Enpresa ideia berriak” arloan,*
- *DEBAGOIENeko eta DEBABARRENEKO Landa Garapenerako Elkarteek, “Landa-ingurunearen garapen iraunkorren” modalitatean,*
- *KIMU BERRIk Eguneroko bizitza errazten duten produktu eta zerbitzu berritzaileak lehiaketan*

**Ebaluatzeko eta erabakitze prozeduran** ondorengo pauso hauek emango dira:

- *EKITEN programaren Batzordeak, hautaketa eta ebaluazio irizpideak jarraituz, banaka aztertuko du proposamen bakoitza eta lehenengo fasetik bigarreneara zeintzuek pasatuko diren adieraziko du.*
- *EKITEN programaren Batzordeak, hautaketa eta ebaluazio irizpideak jarraituz, bigarren fasera heldu diren proiektuak banaka aztertuko ditu eta arlo bakoitzerako hiru proiektu aukeratuko ditu bakoitzari dagokion tokia adieraziz, lehenengoa, bigarrena eta hirugarrena.*
- *Sariren bat banatu gabe gera daiteke proiektuek ez badute behar besteko maila.*
- *Sariak banatuko dira*

Partaide guztiei jakinaraziko zaie beraien proposamenaren emaitza.

## Sariak

---

Hiru sari banatuko dira “**Enpresa Ideia Berrien**” alorrean aurkeztutako ideia onenen artean:

**LEHEN SARIA: 1.000 euro taldearentzat**

**BI SARI OSAGARRI: talde bakoitzak 500 euro jasoko ditu**

Era berean, beste hiru sari banatuko dira “**Landa Ingurunearen Garapenari buruzko Ideia eta Proiektuen**” alorrean:

**LEHEN SARIA: 1.000 euro taldearentzat**

**BI SARI OSAGARRI: talde bakoitzak 500 euro jasoko ditu**

Eta beste hiru sari banatuko dira “**Kimu Berri lehiaketan. Eguneroko bizitza errazten duten produktu eta zerbitzu berritzaileak**”:

**LEHEN SARIA: 1.000 euro taldearentzat**

**BI SARI OSAGARRI: talde bakoitzak 500 euro jasoko ditu**

Ebaluatzaile taldeak baloratuko du lehengo saria lortu duen proiekturen batek bideragarritasun nahikoa duen, eta hala bada, bere garapenerako **urtebeteko EKITEN beka** jaso dezake.

- *Epaimahaiaren erabakia apelaezina da.*
- *Proposamenak bidaltzen dituenak lehiaketako oinarriak onartzen ditu.*
- *Partaideek beharrezkotzat jotzen duten dokumentazio osagarria erantsi ahal izango dute.*
- *Ideiak lehiaketara aurkezteak ez ditu egileak horiek gauzatzera edo abian jartzera behartzen.*